

Hawj Cingsaenz Roek Cungh Cienzhohih Roengzrag Lajmbanj

让六中全会精神扎根乡村

Mboengqneix, aen donz lwnhgangj laeng Hozciz Si Bahmaj Yauzcuz Swciyen bae daengz gak yanghcin gak mbanj bae lwnhgangj gij cingsaenz Baez Roek Cungh Cienzhohih Gaiq Cibgouj Aendangj. 11 nyied 26 hauh ngoenzde, gyoengqvunz lij daengz ndaw suen cazvan Nazyuz laeng Nazdaux Yangh Mbanjlanzdingz bae lwnhgangj dem. Doengh bouxguh hong cungj naeuz, mbouj miz Gungcanjdangj couh mbouj miz Cungguk moq, miz aendangj dazyinx, gij saedcej vunzlai yied bae yied ndei lo, baezlaeng gyoengqde lij laebdaeb riengz aendangj byaij dem.

(Liengz Sauwnh Veiz Subwz /梁绍恩 韦树北)

► Vunzlai youq ndaw suen cazvan dingq lwnhgangj.



Aen Yozvei Yauzyoz Liujcouh Si Biengj Baiz Daiq Beixnuengx Yauzcuz Caez Cauh Saedcej Ndei

柳州市瑶学学会揭牌 带领瑶胞共创美好生活

11 nyied 27 hauh, Aen Yozvei Yauzyoz Liujcouh Si guh aen yizsiz biengj baiz caeuq aen hozdung soengq fuk ciet Buenzvungz. Saek bak boux beixnuengx Yauzcuz gak yienh doxcomz Liujcouh, eu fwen, diuq fouxgyongraez, boq aenvenz daengj angqhoh gienh saehhoengh neix, gvaq ciet Buenzvungz. Aen Yozvei Yauzyoz Liujcouh Si laeng bineix 4 nyied gaeng cucwz laebbaenz, veiyenz miz Yauz-

buenz, Yauzhoengz, Yauzhau, Yauzcazsanh, Yauzau daengj. Laebbaenz aen yozvei neix, mboujdan ndaej bang vunzlai Yauzcuz dieg de cauhnib couhnib, daiq gyoengqde byaij hwnj roen baenzmiz, gvaq hwnj ndwenngoeng engq ndei engq hoengh, doidoengh minzcuz doxgiet baenaj, caiq ndaej ciepcienz, henhoh caeuq hwnghat vwnzva cienzdoengj ndei Yauzcuz.

(Lungz Dauh /龙涛)

Lwnh Hungzginh Cangzcwngh, Cienz Vwnzva Saekhoengz

讲红军长征,传红色文化

11 nyied 26 hauh daengz 28 hauh, Aen Hoih Yenzdauj Aendangj Laebbaenz Bak Hopbi Caeuq Vwnzva Cangzcwngh Gvangjsih Huznanz Gveicouh youq Gveilinz Si Lungzswng Gak Cuz Swciyen hai. Sam aen swngj gungh miz goujib lai boux conghyah canghraiz camgya, doxcaez lwnh gij lizsij vwnzva Hungzginh cangzcwngh sam swngj. Gyoengqde nyinhnaeuz, sam swngj au laebdaeb yenzgiu,

lwnhgangj, ciepcienz gij vwnzva Hungzginh cangzcwngh, dawz swhyenz saekhoengz ndei dangguh canjnieb bae hwnghat, guh'ok buek roen lijyouz, caez cau caez yiengj swhyenz saekhoengz, caez guh aen binjbaiz son'gyauq hoengz. Baez hoih neix vih sam swngj doicaenh son'gyauq lizsij aendangj, engq ndei bae henhoh swhyenz hoengz, cau hguh binjbaiz son'gyauq saekhoengz ok rengzmbwk. (Lungz Cwng /龙政)

Gojgaeq Dinj Minzcuz Doxgiet Baenaj Laeng Gvangjsih

广西民族团结进步小故事

Lai Aen Minzcuz Eu Fwen Liuz Sanhcej Langhbaiz Cingzngieih Minzcuz Doxgiet Naekna

刘三姐歌谣跨文化传唱 彰显深厚的民族团结情谊

Siz Ginbingz cungsuhi cazyawj Gvangjsih Minzcuz Bozvuzgvanz gangj daengz cit denyingj 《Liuz Sanhcej》, de nyinhnaeuz cit neix “ndaej yienh'ok Cunghvaz Minzcuz, hajcib roek aen minzcuz hwnghoedfoed, doxgiet yungzhab, gaenxmaenx baenaj”.

Cit denyingj 《Liuz Sanhcej》 youq bi 1961 ingj, gij doxdawz ndaw denyingj cungj au doiqfwen eu okdaeu, dawz gij minzsug vwnzva caeuq gyacizgvanz minzcuz yungzhaeu aen eijsik hingzdai cawjdaeu bae, cienzboq minzcuz doxgiet an'onj. Daj gij vwnzva

Sanhcej ndaej yawjraen duzngauez hawfwen vwnzva Bouxcuengh. Vwnzva Liuz Sanhcej dwg gij daiyauj vwnzva Bouxcuengh, caiq cab miz Bouxgun, Duncuz, Myauzcuz, Yauzcuz, Mulaujcuz, Mauznanzcuz daengj lai aen minzcuz vwnzva yenzsu. Youq gih raeuz, doengh aen minzcuz neix cungj riuz miz gij cienzgangj Liuz Sanhcej. Couhdwg naeuz vwnzva Liuz Sanhcej dwg cungj vwnzva lai dieg doxgyau doxyungz ndeu, baijok gak minzcuz doxgyau doxyungz doxbaedauq, caemhcai q vih cau hguh aen Cunghvaz Minzcuz caez-

caemh ndeu, cukmaenh gij eijsik caezcaemh Cunghvaz Minzcuz dai ndei giekdaj.

Riengz ginghci hwnghat, gyaudoeng engq fuengbient, minzcuz lijyouz hwnghat hoengghwd, gij vwnzva Liuz Sanhcej caemh riengz dwk cienz ok rog bae. Doengh aen diegbaeyouz caeuq Sanhcej mizgvn laeng Gveilinz, Liujcouh, Yizcouh daengj youq daengx guek cungj gig mizmingz. Cit heiq 《Yaenqsiengq · Liuz Sanhcej》 au vwnzva canjnieb moq bae biujyienj, vunzlai cungj gig maij yawj, de yienh'ok gijmaz dwg “au vwnzva guh

lijyouz, au lijyouz langhbaiz vwnzva”. Nanzningz Gozci Minzgohce z dwg Cunghgoz Dunghmungz Bozlanjvei cit heiq youqgaenj ndeu, gij fwen gih raeuz ndaej eu ok Dunghnanzya bae. Riengz lizsij baenaj, gij vwnzva Liuz Sanhcej caemh vuenh yienghmoq, rengzhoengh raeuh. Gyawj geij bi neix, vunzlai Gvangjsih maij youq gwnzmuengx eu fwen, cungj hingzsiq moq neix yienh'ok gij daegsaek seizdaih moq.

Lai aen minzcuz gih raeuz cungj eu fwen Liuz Sanhcej, dwg aenvih gyoengqde nyinhdoengz caemhcai q supaeu cungj vwnzva ndei neix, coicaenh cau hguh aen Cunghvaz Minzcuz caezcaemh ndeu, cukmaenh gij eijsik caezcaemh Cunghvaz Minzcuz, hawj gij gihiyinh vwnzva Liuz Sanhcej ndaej ce roengzdaeu, riuz roengzbae.

(Gvangjsih Minzcuz Yenzgiu Cunghsinh hawj gauj)